


西漢會要

十五之七

五



漢書門			
二〇冊	一四〇架	二四二五號	類

內閣文庫			
二〇冊	一四〇架	二四二五號	類

內閣文庫	
番號	漢 2425
冊數	20 (5)
函號	294 24



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



西漢會要卷十五


宋

徐

天

麟

撰



禮九 嘉禮

朝會



漢七年長樂宮成羣臣朝十月儀先平明謁者治禮引
以次入殿門廷中陳車騎戍卒衛官設兵張旂志傳曰
趨殿下郎中俠陛陸數百人功臣列侯諸將軍軍吏以
次陳西方東鄉文官丞相以下陳東方西鄉大行設九
賓臚句傳于是皇帝輦出房百官執職傳警

職漢書引
作載

諸侯王以下至吏六百石以次奉賀自諸侯王以下莫不震恐肅敬至禮畢盡伏置法酒諸侍坐殿上皆伏抑首以尊卑次起上壽觴九行謁者言罷酒御史執法舉不如儀者輒引去竟朝置酒無敢謹譁失禮者于是高帝曰吾乃今日知為皇帝之貴也史記叔孫通傳

九年未央宮成高祖大朝諸侯羣臣置酒未央前殿高

祖奉玉卮應邵曰鄉飲酒禮器也受四升起為太上皇壽史記本紀

中朝劉輔傳孟康曰中朝內朝也大司馬左右前後將軍侍中常侍散騎諸吏為中朝丞相以下至六百

石為外朝

法坐梅福傳師古曰法坐正坐也聽朝之處猶言法宮法駕也

東朝灌夫傳東朝廷辨之如

文帝時申屠嘉入朝鄧通居上旁有怠慢之禮嘉奏事畢因言曰陛下幸愛羣臣則富貴之至于朝廷之禮不可以不肅上曰君勿言吾私之罷朝坐府中嘉為檄召通詣丞相府不來且斬通通恐入言上上曰汝第往吾今使人召若通至詣丞相府免冠徒跣頓首謝嘉嘉坐自如勿為禮責曰夫朝廷者高皇帝之朝廷也通小臣戲殿上大不敬當斬吏今行斬之通頓首首盡出血不

解上度丞相已困通使持節召通而謝丞相曰此吾弄

臣君釋之鄧通既至為上泣曰丞相幾殺臣申屠嘉傳

武帝元鼎中士卒暴露連歲為朝會不置酒楊僕傳

哀帝詔罷樂府官丞相孔光大司空何武奏大樂鼓員

六人嘉至鼓員十人邯鄲鼓員二人騎吹鼓員三人江

南鼓員二人淮南鼓員四人巴俞鼓員三十六人歌鼓

員二十四人楚嚴鼓員一人梁皇鼓員四人臨淮鼓員

三十五人茲邠鼓員三人凡鼓十二員百二十八人朝

賀置酒陳殿下應古兵法外安世樂鼓員二十八十九

人可罷沛吹鼓員十二人族歌鼓員二十七人陳吹鼓

員十三人商樂鼓員十四人東海鼓員十六人長樂鼓

員十三人縵樂鼓員十三人凡鼓八員百二十八人朝

賀置陳酒前殿房中不應經法皆可罷禮樂志

諸侯朝觀

高祖九年冬十月淮南王梁王趙王楚王朝未央宮本紀

十年冬十月淮南王燕王荆王梁王楚王齊王長沙王

來朝本紀

十一年令諸侯王通侯常以十月朝獻及郡各以其口

數率人歲六十三錢以給獻費

本紀

諸侯王朝見天子漢法凡當四見耳始到入小見到正月朔旦奉皮薦璧玉賀正月法見後三日為王置酒賜金錢財物後二日復入小見辭去凡留長安不過二十日小見者燕見于禁門內飲于省中非士人所得入也漢之儀法朝見賀正月者常一王與四侯俱朝見十餘歲一至

史記梁孝王世家

武帝為皮幣王侯宗室朝覲聘享必以皮幣薦璧然後

得行

食貨志

王侯朝賀以蒼璧

食貨志

宣帝神爵元年詔軍旅暴露轉輸煩勞其令諸侯王列

侯蠻夷王侯君長當朝二年者皆毋朝

本紀

諸侯正月朝覲天子觀以禮樂饗醴乃歸

康衡傳

成帝河平三年楚王囂朝正月詔與子男一人俱

本傳

哀帝對成帝曰合諸侯王朝得從其國二千石

哀帝紀

吳王濞使人為秋請

本傳孟康曰律春日朝秋曰請如古諸侯朝時也如淳曰濞不自行

使人代己致請禮

建成侯拾坐使行人奉璧皮薦賀元年十月不會免

王子

侯表

重侯擔坐不使人為秋請免

王子侯表

上尊號

漢五年諸侯上疏曰楚王韓信韓王信淮南王英布梁王彭越故衡山王吳芮趙王張敖燕王臧荼昧死再拜言大王陛下先時秦為無道天下誅之大王先得秦王定關中于天下功最多存亡定危救敗繼絕以安萬民功盛德厚又加惠于諸侯王有功者使得立社稷地分已定而位號比儼亡上下之分大王功德之著于後世

不宣昧死再拜上皇帝尊號漢王曰寡人聞帝者賢者有也虛言亡實之名非所取也今諸侯王皆推高寡人將何以處之哉諸侯王皆曰大王起于細微滅亂臣威動海內又以辟陋之地自漢中行威德誅不義立有功平定海內功臣皆受地食邑非私之也大王德施四海諸侯王不足以道之居帝位甚實宜願大王以幸天下漢王曰諸侯王幸以為便于天下之民則可矣于是諸侯王及大尉長安侯臣綰等三百人與博士稷嗣君叔孫通謹擇良日二月甲午上尊號漢王即皇帝位于汜

上尊號

水之陽

高紀

六年上歸櫟楊五日一朝太公太公家合說大公曰天
亡二日土亡二王皇帝雖子人主也大公雖父人臣也
奈何令人主拜人臣若此則威重不行後上朝太公擁
彗迎門卻行上大驚下扶太公太公曰帝人主奈何以
我亂天下法于是上心喜家令言賜黃金五百斤夏五
月丙午詔曰人之至親莫親于父子故父有天下傳歸
于子子有天下尊歸于父此人道之極也前日天下大
亂兵革並起萬民苦殃朕親被堅執銳自帥士卒犯危

難平暴亂立諸侯偃兵息民天下大安此皆太公之教
訓也諸王通侯羣卿大夫已尊朕爲皇帝而大公未有

號今上尊太公曰大上皇

高紀

羣臣迎代王至邸上議曰丞相臣平太尉臣勃大將軍
臣武御史大夫臣蒼宗正臣郢朱虛侯臣章東牟侯臣
興居典客臣揭再拜言大王足下平宏等皆非孝惠皇
帝子不當奉宗廟臣敬請陰安侯頃王后列侯吏二千
石議大王高皇帝子宜爲嗣願大王卽天子位代王曰
奉高帝宗廟重事也寡人不佞不足以稱願請楚王計

宜者寡人弗敢當羣臣皆伏固請代王西鄉遜者三南鄉遜者再丞相平等皆曰臣伏計之大王奉高祖宗廟最宜稱雖天下諸侯萬民皆以為宜臣等為宗廟社稷計不敢忽願大王幸聽臣等臣謹奉天子璽符再拜上代王曰宗室將相王列侯以為其宜寡人寡人不敢辭遂即天子位文紀

上壽

高帝令叔孫通起朝儀會長樂宮成羣臣朝十月諸侯王以下至吏六百石以次奉賀禮畢盡伏置法酒以尊卑次起上壽觴九行謁者言罷酒竟朝置酒無敢謹譁


失禮者詳見上朝會條

九年冬十月淮南王梁王趙王楚王朝未央宮置酒前殿上奉玉卮為太上皇上壽曰始大人嘗以臣亡賴不能治產業不如仲力今某之業所就孰與仲多殿上羣臣皆稱萬歲大笑為樂高紀

汾陰得寶鼎武帝嘉之薦見宗廟藏于甘泉宮羣臣皆

上壽吾邱壽王傳

武帝登封泰山從禪還坐明堂羣臣更上壽郊祀志



兒寬爲御史大夫從東封泰山還登明堂寬上壽曰臣聞三代改制屬象相因間者聖統廢絕陛下發憤合指天地祖立明堂辟雍宗祀泰一六律五聲幽贊聖意神樂四合各有方象以承嘉祀爲萬世則天下幸甚將建大元本瑞登告岱宗發祉闔門以俟景至癸亥宗祀日宣重光上元甲子肅邕永亨光輝充塞天文粲然充象日昭報降符應臣寬奉觴再拜上千萬歲壽制曰敬舉君之觴兒寬傳

昭平君醉殺主傳以公主子廷尉上請請論上可其奏哀不能自止左右盡悲東方朔前上壽曰臣聞聖王爲政賞不避仇讎誅不擇骨肉書曰不偏不黨王道蕩蕩此二者五帝所重三王所難也陛下行之是以四海之內元元之民各得其所天下幸甚臣朔奉觴昧死再拜上萬歲壽上乃起入省中夕時召讓朔曰傳曰時然後言人不厭其言今先生上壽時乎朔免冠頓首曰臣聞樂太甚則陽溢哀太甚則陰損陰陽變則心氣動心氣動則精神散精神散而邪氣及消憂者莫若酒臣朔所以上壽者明陛下正而不阿因以止哀也愚不知忌諱

當死

東方朔傳

車千秋為丞相見上連年治太子獄誅罰尤多羣臣恐懼思欲寬廣上意慰安眾庶乃與御史中二千石共上壽頌德美勸上施恩惠緩刑罰玩聽音樂養志和神為天下自虞樂上報曰朕之不德自左丞相與貳師陰謀逆亂巫蠱之禍流及士大夫朕日一食者累月乃何樂之聽痛士大夫常在心既事不咎雖然巫蠱始發詔丞相御史督二千石求捕廷尉治未聞九卿廷尉有所鞠也曩者江充先治甘泉宮人轉至未央椒房以及敬聲

之疇李禹之屬謀入匈奴有司無所發令丞相親掘蘭臺蠱驗所明知也至今餘巫頗脫不止陰賊侵身遠近為蠱朕愧之甚何壽之有敬不舉君之觴謹謝丞相二

千石各就館

車千秋傳

昭帝始元元年二月黃鵠下建章宮太液池中公卿上

壽

本紀

宣帝幸太子宫太子家令疏受奉觴上壽辭理閑雅
元帝建昭四年以誅邳支單于告祠郊廟赦天下羣臣上壽置酒以其圖書示後宮貴人

本紀

冊立皇子

武帝元狩六年四月乙巳廟立皇子宏爲齊王旦爲燕王胥爲廣陵王初作詔

本紀

初大司馬去病昧死再拜上疏皇帝陛下陛下過聽臣去病待罪行間宜專邊塞之思虜暴骸中野無以報乃敢惟他議以干用事者誠見陛下憂勞天下哀憐百姓以自忘虧膳貶樂損郎員皇子賴天能膝衣趨拜至今無號位師傳官陛下恭謙不恤羣臣私望不敢越職而言臣竊不勝犬馬心昧死願陛下詔有司因盛夏吉時

定皇子位惟陛下幸察臣去病昧死再拜以聞皇帝陛下三月乙亥御史臣光守尙書合奏未央宮制曰下御史六年三月戊申朔乙亥御史臣光守尙書合奏丞非下御史書到言丞相臣青翟御史大夫臣湯太常臣充大行令臣息大子少傅臣安行宗正事昧死上言大司馬去病上疏曰陛下過聽使臣去病待罪行間宜專邊塞之思慮暴骸中野無以報乃敢惟他議以干用事者誠見陛下憂勞天下哀憐百姓以自忘虧膳貶樂損郎員皇子賴天能膝衣趨拜至今無號位師傳官陛下恭謙

不恤羣臣私望不敢越職而言臣竊不勝犬馬心昧死願陛下詔有司因盛夏吉時定皇子位惟陛下幸察制曰下御史臣謹與中二千石臣賀等議古者裂地立國並建諸侯以承天子所以尊宗廟重社稷也今臣去病上疏不忘其職因以宣恩乃道天子卑遜自貶以勞天下慮皇子未有號位臣青翟臣湯等宜奉議遵職愚僮而不建事方今盛夏吉時臣青翟臣湯等昧死請立皇子臣閔臣旦臣胥爲諸侯王昧死請所立國名制曰蓋聞周封八百姬姓並立或子男附庸禮支子不祭云並建諸侯所以重社稷朕無聞焉且天非爲君生民也朕之不德海內未洽乃以未教成者疆君連城卽股肱何勸其更議以列侯家之三月丙子奏未央宮丞相臣青翟御史大夫臣湯昧死言臣謹與列侯臣嬰齊中二千石二千石臣賀諫大夫博士臣安等議曰伏聞周封八百姬姓並立奉承天子康叔以祖考顯而伯禽以周公立咸爲建國諸侯以相傳爲輔百官奉憲各遵其職而國統備矣竊以爲並建諸侯所以重社稷者四海諸侯各以其職奉貢祭支子不得奉祭宗祖禮也封建使守

藩國帝王所以扶德施化陛下奉承天統明開聖緒尊
賢顯功興滅繼絕續蕭文終之後于鄴褒厲羣臣平津
侯等昭六親之序明天施之屬使諸侯王封君得推私
恩分子弟戶邑錫號尊建百有餘國而家皇子爲列侯
則尊卑相踰列位失序不可以垂統于萬世臣請立臣
閱臣旦臣胥爲諸侯王三月丙子奏未央宮制曰康叔
親屬有十而獨尊者褒有德也周公祭天命郊故魯有
白牲駢剛之牲羣公不毛賢不肖差也高山仰之景行
嚮之朕甚慕焉所以抑未成家以列侯可四月戊寅奏

未央宮丞相臣青翟御史大夫臣湯昧死言臣青翟等
與列侯吏二千石諫大夫博士臣慶等議昧死奏請立
皇子爲諸侯王制曰康叔親屬有十而獨尊者褒有德
也周公祭天命郊故魯有白牲駢剛之牲羣公不毛賢
不肖差也高山仰之景行嚮之朕甚慕焉所以抑未成
家以列侯可臣青翟臣湯博士臣將行等伏聞康叔親
屬有十武王繼體周公輔成王其八人皆以祖考之尊
建爲大國康叔之年幼周公在三公之位而伯禽據國
于魯蓋爵命之時未至成人康叔後捍祿父之難伯禽

西漢書要 卷五
珍淮夷之亂昔五帝異制周爵五等春秋三等皆因時
而序尊卑高皇帝撥亂世反諸正昭至德定海內封建
諸侯爵位二等皇子或在繯綵而立爲諸侯王奉承天
子爲萬世法則不可易陛下躬親仁義體行聖德表裏
文武顯慈孝之行廣賢能之路內褒有德外討彊暴極
臨北海西溱月氏匈奴西域舉國奉師輿械之費不賦
于民虛御府之藏以賞元戎開禁倉以賑貧窮減戍卒
之半百蠻之君靡不鄉風承流稱意遠方殊俗重譯而
朝澤及方外故珍禽至嘉穀興天應甚彰今諸侯支子

封至諸侯王而家皇子爲列侯臣青翟臣湯等竊伏熟
計之皆以爲尊卑失序使天下失望不可臣請立臣閔
臣旦臣胥爲諸侯王四月癸未奏未央宮留中不下丞
相臣青翟太僕臣賀行御史大夫事太常臣充太子大
傅臣安行宗正事昧死言臣青翟等所奏大司馬臣去
病上疏言皇子未有號位臣謹與御史大夫臣湯中二
千石二千石諫大夫博士臣慶等昧死請立皇子臣閔
等爲諸侯王陛下遜文武功自切及皇子未教羣臣之
議儒者稱其術或悖其心陛下固辭勿許家皇子爲列

侯臣壽成等二十七人議皆曰以爲尊卑失序高皇帝
建天下爲漢太祖王子孫廣支輔先帝法則弗改所以
宣至尊也臣請令史官擇吉日具禮儀上御史奏輿地
圖他皆如前故事制曰可四月丙申奏未央宮太僕臣
賀行御史大夫事昧死言太常臣充言卜入四月二十
八日乙巳可立諸侯王臣昧死奏輿地圖請所立國名
禮儀別奏臣昧死請制曰立皇子闕爲齊王旦爲燕王
胥爲廣陵王四月丁酉奏未央宮六年四月戊寅朔癸
卯御史大夫湯下丞相丞相下中二千石二千石下郡

太守諸侯丞相從書事下當用者如律令

史記三王世家下同

維六年四月乙巳皇帝使御史大夫湯廟立子闕爲齊
王曰於戲小子闕受茲青社朕承祖考維稽古建爾國
家封于東土世爲漢藩輔於戲念哉恭朕之詔惟命不
于常人之好德克明顯光義之不圖裨君子怠悉爾心
允執其中天祿永終厥有憊不臧乃凶于而國害于爾
躬於戲保天艾民可不敬與王其戒之

右齊王策

維六年四月乙巳皇帝使御史大夫湯廟立子旦爲燕

西漢會要 卷五
王曰於戲小子旦愛茲元社朕承祖考惟稽古建爾國
家封于北土世爲漢藩輔於戲葦粥氏雪老獸心侵犯
寇盜加以姦巧邊萌於戲朕命將率徂征厥罪萬夫長
千夫長三十有二君皆來降旂奔師葦粥徙域北州以
綏悉爾心毋作怨毋侮德毋乃廢備非教士不得從徵
於戲保國艾民可不敬與王其戒之

右燕王策

維六年四月乙巳皇帝使御史大夫湯廟立子胥爲廣
陵王曰於戲小子胥受茲赤社朕承祖考惟稽古建爾
國家封于南土世爲漢藩輔古人有言曰大江之南五
湖之間其人輕心揚州保疆三代要服不及以政於戲
悉爾心戰戰兢兢乃惠乃順毋侗好逸毋邇宵人惟法
惟則書云臣不作威不作福靡有後羞於戲保國艾民
可不敬哉王其戒之

右廣陵王策

西漢會要卷十六

宋 徐 天 麟 撰

禮十 嘉禮

行幸

高帝六年冬人告楚王信謀反上問左右左右爭欲擊之用陳平計乃偽游雲夢十二月會諸侯于陳信迎謁

因執之 本紀下同

七年冬上自將擊韓信于銅鞮上從晉陽連戰乘勝逐北至樓煩會大寒士卒墮指者什二三遂至平城為匈

奴所圍七日用陳平秘計得出十二月上還過趙不禮
趙王二月自櫟陽徙都長安夏四月行如雒陽

八年冬上擊韓信餘寇于東垣還過趙趙相貫高等恥
上不禮其王陰謀欲弑上上欲宿心動問縣何名曰栢
人上曰栢人者迫于人者也去弗宿十二月行自東垣
至春三月行如雒陽九月行自雒陽至

九年十二月行如雒陽二月行自雒陽至

十一年淮南王布反上自將擊布十二年上還過沛留
置酒沛宮悉召故人父老子弟佐酒發沛中兒得百二

十人教之歌酒酣上擊筑自歌曰大風吹兮雲飛揚威
加海內兮歸故鄉安得猛士兮守四方合兒皆和習之
上乃起舞忼慨傷懷泣數行下謂沛父兄曰游子悲故
鄉吾雖都關中萬歲之後吾魂魄猶思家沛且朕自沛
公以誅暴逆遂有天下其以沛爲朕湯沐邑復其民世
世無有所與沛父老諸母故人日樂飲極歎道舊故爲
笑樂十餘日上欲去沛父兄固請上曰吾人衆多父兄
不能給乃去沛中空縣皆之邑西獻上留止張飲三日
沛父兄皆頓首曰沛幸得復豐未能得惟陛下哀矜上

曰豐者吾所生長極不忘耳吾特以其為雍齒故反我為魏沛父兄固請之乃并復豐比沛

文帝三年上幸甘泉

如淳曰蔡邕云天子車駕所至民臣以為幸故曰幸見合長三老宮

屬親臨軒作樂賜以酒食帛葛越中佩帶之屬爵民有級數或賜田租之半故因謂之幸也師古曰甘泉在雲

陽本泰林光宮自甘泉之高奴因幸太原留游太原十餘日七

月上自太原至

十年冬行幸甘泉

後二年夏行幸雍棧陽宮

四年五月行幸雍

五年正月行幸隴西三月行幸雍秋七月行幸代

並本紀

後六年匈奴大入邊以宗正劉禮為將軍軍霸上祝茲

侯徐厲為將軍軍棘門以河內守亞夫為將軍軍細柳

以備胡上自勞軍至羈上及棘門軍直馳入將以下騎

出入送迎已而之細柳軍軍士吏被甲銳兵及張弓弩

持滿天子先驅至不得入先驅曰天子且至軍門都尉

曰軍中聞將軍之令不聞天子之詔有頃上至又不得

入于是上使使持節詔將軍曰吾欲勞軍亞夫乃傳言

開壁門壁門士請車騎曰將軍約軍中不得馳驅于是

天子乃案轡徐行至中營將軍亞夫揖曰甲冑之士不
拜請以軍禮見天子為動改容式車使人稱謝皇帝敬
勞將軍成禮而去周亞夫傳

景帝中元年十月行幸雍祠五時

六年六月行幸雍

武帝元狩元年十月行幸雍祠五時獲白麟

二年冬十月行幸雍五時

元鼎四年行幸雍祠五時自夏陽東幸汾陰立后土祠
禮畢行幸滎陽還至洛陽

五年冬十月行幸雍祠五時遂踰隴登空同西臨祖厲
河而還並本紀

六年天子親幸緱氏觀大人迹于是郡國各除道繕治
宮館名山神祠所至望幸矣郊祀志

元封元年行自雲陽北歷上郡西河五原出長城北登
單于臺至朔方臨北河勒兵十八萬騎旌旆徑千餘里
威震匈奴還祠黃帝于橋山乃歸甘泉春正月行幸緱
氏遂幸東海登封泰山降坐明堂行自泰山復東巡海
上北至碣石巡自遼西歷北邊九原五月乃至甘泉周

萬千里云

本紀及
郊祀志

二年十月行幸雍祠五時春幸緱氏還至東萊夏四月
還祠泰山至瓠子臨決河

四年十月行幸雍祠五時通回中道遂北出蕭關歷獨
鹿鳴澤自代而還幸河東祠后土幸中都赦汾陰夏陽
中都死罪以下賜三縣及揚氏皆無出今年租賦

五年冬行南巡狩至于盛唐望祀虞舜于九巖登瀛天
柱山白雲陽浮江親射蛟江中獲之舳艫千里薄樅揚
而出遂北至琅邪並海所過禮祠其名山大川三月還

至泰山增封赦所幸縣毋出今年租賦賜鰥寡孤獨貧
窮者粟還幸甘泉郊泰畤

六年冬行幸回中三月行幸河東祠后土

太初元年冬十月行幸泰山十一月祀上帝于明堂十

二月禮高里祠后土東臨勃海望祠蓬萊

二年行幸河東祠后土

三年正月行東巡海上夏四月還修封泰山禮石闕

四年行幸回中

天漢元年正月行幸甘泉郊泰畤三月行幸河東祠后

土

二年春行幸東海還幸回中

三年三月行幸泰山修封祀明堂因受計還幸北地祠常山瘞元玉赦天下行所過毋出田租

大始二年行幸回中

三年春行幸甘泉宮饗外國客二月行幸東海獲赤雁幸琅邪禮日成山登之罘浮大海山稱萬歲冬賜行所過戶五千錢鰥寡孤獨帛人一匹

四年春行幸泰山祀高祖于明堂因受計四月幸不其祠神人于交門宮夏五月還幸建章宮大置酒赦天下十二月行幸雍祠五時西至安定北地

征和元年正月還幸建章宮

二年夏行幸甘泉

三年正月行幸雍至安定北地

四年正月行幸東萊臨大海三月上耕于鉅定還幸泰山修封庚寅祀于明堂癸巳禮石閣夏六月還幸甘泉後元元年正月行幸甘泉郊泰畤還幸安定二年二月行幸蓋屋五柞宮

宣帝神爵元年正月行幸甘泉郊泰時三月行幸河東
祠后土

五鳳元年正月行幸甘泉郊泰時

二年行幸雍祠五時

三年三月行幸河東祠后土

甘露元年正月行幸甘泉郊泰時

二年十二月行幸萑陽宮屬王觀

三年正月行幸甘泉郊泰時上自甘泉宿池陽宮上登
長平坂詔單于毋謁其左右當戶之羣皆列觀蠻夷君

長王侯迎者數萬人夾道陳上登渭橋咸稱萬歲單于
就邸置酒建章宮饗賜單于觀以珍寶

黃龍元年正月行幸甘泉郊泰時

元帝初元二年正月行幸甘泉郊泰時

四年正月行幸甘泉郊泰時三月行幸河東祠后土赦
汾陰徒賜民爵一級女子百戶牛酒鰥寡高年帛行所
過無出租賦

五年三月行幸雍祠五時

永光元年正月行幸甘泉郊泰時赦雲陽徒賜民爵一

百濟會要 卷之六
級女子百戶牛酒高年帛行所過毋出租賦

四年三月行幸雍祠五時

五年春正月行幸甘泉郊泰時三月上幸河東祠后土
冬上幸長揚射熊館布車騎大獵

建昭元年三月上幸雍祠五時

二年正月行幸甘泉郊泰時三月行幸河東祠后土

成帝永始二年冬十一月行幸雍祠五時

四年春正月行幸甘泉郊泰時神光降集紫殿大赦天
下賜雲陽吏民爵女子百戶牛酒鰥寡孤獨高年帛三

月行幸河東祠后土賜吏民如雲陽行所過毋出租

元延元年三月行幸雍祠五時

二年正月行幸甘泉郊泰時三月行幸河東祠后土

三年三月行幸雍祠五時

四年春正月行幸甘泉郊泰時三月行幸河東祠后土

綏和元年三月行幸雍祠五時

二年正月行幸甘泉郊泰時三月行幸河東祠后土

並紀

西漢會要卷十七

宋 徐 天 麟 撰

禮十一 嘉禮

詔令章奏

制詔御史 師古曰天子之言一曰制書二曰詔書制書者謂為制度之命也

制詔丞相 宣帝制詔丞相封丙吉為博陽侯

制詔丞相御史 成帝封丙吉孫昌哀帝改元見李尋傳

制詔丞相御史大夫 左遷毋將隆見本傳

制詔丞相大尉御史大夫 文帝即位赦天下

制詔丞相大司空

免孫寶為庶人

高帝十一年求賢詔御史大夫昌下相國相國下諸侯

王御史中執法下郡守

本紀

詔書無京兆文不當發

王尊傳

高帝下詔擊吳王有敢議詔及不如詔皆要斬

吳王濞傳

宣帝二千石有治理効輒以璽書勉厲

循吏傳

夏侯滕言武帝不宜立廟榮公卿共難滕曰此詔書也

滕曰詔書不可用也于是田廣明劾奏滕非議詔書不

道下獄

夏侯滕傳

哀帝建平二年詔曰六月甲子制書非赦令也皆蠲除

之

本紀

文帝遺單于書牘以尺一寸

匈奴傳

武帝元狩六年四月乙巳廟立皇子閔為齊王旦為燕

王胥為廣陵王初作誥

本紀

元狩六年四月立三王初大司馬臣去病昧死再拜上

疏皇帝陛下願因盛夏吉時定皇子位臣去病昧死再

拜以聞皇帝陛下三月乙亥御史臣光守尚書令奏未

央宮制曰下御史六年三月戊申朔乙亥御史臣光守

尚書令丞非下御史書到言丞相臣青翟御史大夫臣
湯大常臣充大行令臣息太子少傅臣安行宗正事昧
死上言大司馬去病上疏願定皇子位制曰下御史臣
謹與中二千石二千石臣賀等議方今盛夏吉時臣青
翟臣湯等昧死請立皇子臣閔臣旦臣胥爲諸侯王昧
死請所位國名制曰其更議以列侯家之三月丙子奏
未央宮丞相臣青翟御史大夫臣湯昧死言臣謹與列
侯臣嬰齊中二千石二千石臣賀諫大夫博士臣安等
議曰家皇子列侯不可以垂統于萬世臣請立臣閔臣

旦臣胥爲諸侯王三月丙子奏未央宮制曰家以列侯
可四月戊寅奏未央宮丞相臣青翟御史大夫臣湯昧
死言臣青翟等與列侯吏二千石諸大夫博士臣慶等
議昧死奏請立皇子爲諸侯王制曰家以列侯可臣青
翟臣湯博士臣將行等伏聞云云今諸侯支子封至諸
侯王而家皇子爲列侯臣青翟臣湯等竊孰計之不可
臣請立臣閔臣旦臣胥爲諸侯王四月癸未奏未央宮
留中不下丞相臣青翟大僕臣賀行御史大夫事大常
丞相充太子太傅臣安行宗正事昧死言臣青翟等前

奏大司馬臣去病上疏言皇子未有號位臣謹與御史大夫臣湯中二千石二千石諫大夫博士臣慶等昧死請立皇子闕等為諸侯王陛下固辭勿許臣青翟等竊與列侯受成等二十人議臣請合史官擇吉日具禮儀上御史奏輿地圖他皆如前故事制曰可四月奏未央宮臣大僕臣賀行御史大夫事昧死言太常臣充言卜入四月二十八日乙巳可立諸侯王臣昧死奏輿地圖請所立國名禮儀別奏臣昧死請制曰立某為某王四月丁酉奏未央宮六年四月戊寅朔癸卯御史大夫湯

下丞相丞相下中二千石二千石下郡太守諸侯丞相

書從事下當用者如律令 三王世家

御史大夫受公卿奏事舉劾按章 百官表

大臣奏事不宜漏泄 師丹傳

吏民上書字或不正輒舉劾 藝文志

衍簡侯不疑坐挾詔書論耐為司寇 功臣表

武帝時公孫宏奏謹按詔書律令下者明天人分際通

古今之說文章爾雅訓辭深厚 儒林傳序

武帝每為淮南王報書常召司馬相如視草乃遣 淮南王安

傳

劉向曰今出令未能踰時而反是反汗也本傳

傅太后遺詔益封高安侯賢二千戶丞相王嘉封還詔

書王嘉傳

文帝時山東吏布詔令民雖老羸癯疾莫不扶杖而往

聽之願少須臾無死思見德化之成賈山傳

宣帝詔書每下民欣然若更生王吉傳

元帝罷朱崖詔康衡云諸見罷朱崖詔書者人人自以

為將見太平也康衡傳

溫水侯安國坐上書為妖言會赦免王子侯表

新利侯偃坐上書謾免王子侯表

王嘉曰故事尚書希下章為煩擾百姓章文必有敢告

之字乃下王嘉傳

昌邑王淫亂霍光與羣臣連名奏王尚書令讀奏曰丞

相臣敞大司馬大將軍臣光車騎將軍臣安世度遼將

軍臣明友前將軍臣增後將軍臣充國御史大夫臣諡

宜春侯臣譚當塗侯臣聖隨桃侯臣昌樂杜侯臣屠耆

堂太僕臣延年太常臣昌大司農臣延年宗正臣德少

府臣樂成廷尉臣光執金吾臣延壽大鴻臚臣賢左馮
翊臣廣明右扶風臣德長信少府臣嘉典屬國臣武京
輔都尉臣廣漢司隸校尉臣辟兵諸吏文學光祿大夫
臣遷臣吉臣賜臣管臣勝臣梁臣長幸臣夏侯滕大中
大夫臣德臣叩昧死言皇太后陛下臣做等頓首死罪
云云臣做等謹與博士臣霸臣雋舍臣德臣虞舍臣射
臣倉議皆曰當廢臣請有司御史大夫臣諛宗正臣德
太常臣昌與太祝以一大牢告祠高廟臣做等昧死以
聞皇太后詔曰可霍光傳

故事諸王書者皆爲二封題其一曰副領尙書者先發
副封所言不善屏去不奏魏相因許伯白去副封以防

壅蔽宣帝善之魏相傳

冠禮

孝惠五年皇帝冠本紀

孝昭元鳳四年加元服

本紀臣天麟案後漢禮儀志注云孝昭帝冠辭曰陛下擣顯先

帝之光耀以承皇天之嘉祿欽奉仲春之吉辰普尊大
道之郊域秉率百福之休靈始加昭明之元服推遠冲
儒之幼志蘊積文武之舊德肅勤高祖之
清廟六合之內靡不蒙德永永與天無極

孝宣五鳳元年正月皇太子冠皇太后賜丞相將軍列

侯中二千石帛人百匹大夫八十匹夫人六十匹又賜
列侯嗣子爵五大夫男子爲父後者爵一級本紀

婚禮

宣帝時王吉上疏曰竊見當世趨務不合于道者謹奏
吉意以爲夫婦人倫大綱夭壽之萌也世俗嫁娶太早
未知爲人父母之道而有子是以教化不明而民多天
聘妻送女亡節則貧人不及故不舉子又漢家列侯尙
公主諸侯則國人承翁主使男事女夫誄于婦逆陰陽
之位故多女亂王吉傳

五鳳二年八月詔曰夫婚姻之禮人倫之大者也酒食
之會所以行禮樂也今郡國二千石或擅爲苛禁民嫁
娶不得酒食相賀召由是廢鄉黨之禮令民亡所樂非
所以導民也詩不云乎民之失德乾餱以愆勿行苛政

本紀

平帝元始三年詔劉歆等雜定婚禮四輔公卿大夫博

士郎吏家屬以禮娶親迎立輅併馬

本紀服虔曰輅立乘小車也併馬儷

也

四年立皇后王氏遣長樂少府夏侯藩宗正劉宏少府

宗伯鳳尚書合平晏納采大司馬光大司徒馬宮大司
空甄豐左將軍孫建執金吾尹賞行太常事大中大夫
劉歆及太僕太史令以下四十九人賜皮弁素積以禮
雜卜筮太牢祠宗廟待吉月日明年春遣大司徒宮大
司空豐左將軍建右將軍甄邯光祿大夫歆奉乘輿法
駕迎皇后于安漢公第宮豐歆授皇后璽綬登車稱警
蹕便時上林延壽門入未央宮前殿羣臣就位行禮大
赦天下益封父安漢公地滿百里賜迎皇后及行禮者
自三公以下至駟宰執事長樂未央宮安漢公第者皆

增秩賜金帛各有差皇后立三月以禮見高廟王后傳

故事聘皇后黃金二萬斤為錢二萬萬王莽傳

鄉射

高帝引兵圍魯魯中諸儒尚講習禮弦歌之音不絕于
是諸儒始得修其經學講習大射鄉飲之禮儒林傳序

河間獻王修興雅樂董仲舒等皆以為音中正雅立之

大樂春秋鄉射作于樂官希闊不講禮樂志

韓延壽為東郡太守修治學官春秋鄉射陳鐘鼓管絃

盛升降揖遜本傳

成帝鴻嘉二年行幸雲陽博士行鄉飲酒本紀

鴻嘉二年三月博士行大射禮五行志

武帝時丞相公孫宏奏言民不得挾弓弩十賊張弩百吏不敢前盜賊不輒伏辜免脫者衆害寡而利多此盜賊所以蕃也禁民不得挾弓弩則盜賊執短兵短兵接則衆者勝以衆吏捕寡賊其勢必得盜賊有害無利則莫犯法刑錯之道也臣愚以爲禁民毋得挾弓弩使上下其議吾邱壽王對曰臣聞古者作五兵非以相害以禁暴討邪也安居則以制猛獸而備非常有事則以設

守衛而施行陣及至周室衰微上無明王諸侯力政強侵弱衆暴寡海內抗敵巧詐並生是以知者陷愚勇者威怯苟以得勝爲務不顧義理故機變械飾所以相賊害之具不可勝數于是秦兼天下廢王道立私議滅詩書而首法令去仁恩而任刑戮墮名城殺豪傑銷甲兵折鋒刃其後民以擾鉏筆挺相撻擊犯法滋衆盜賊不勝至于赭衣塞路羣盜滿山卒以亂亡故聖王務教化而省禁防知其不足恃也今陛下昭明德建太平舉俊材與學官三公有司或由窮巷起白屋裂地而封宇內

日化方外嚮風然而盜賊猶有者郡國二千石之罪非挾弓弩之過也禮曰男子生桑弧蓬矢以舉之明示有事也孔子曰吾何執執射乎大射之禮自天子降及庶人三代之道也詩云大侯既抗弓矢斯張射夫既同獻爾發弓言貴中也愚聞聖王合射以明教矣未聞弓矢之為禁也且所為禁者為盜賊之攻奪也攻奪之罪死然而不止者大姦之于重誅固不避也臣恐邪人挾之而吏不能止良民以自備而抵法禁是擅賊威而奪民救也竊以為無益于禁姦而廢先王之典使學者不得

習行其禮大不便書奏上以難丞相宏宏誦服焉善印

賜酺

文帝初即位賜民酺五日本紀服虔曰酺音蒲文穎曰

酺金四兩今召橫賜得令會聚飲食五日也

十六年得玉杯令天下大酺

景帝後元年夏大酺五日

武帝元光二年令民大酺五日

元朔五年城朔方大酺五日

泰初五年祠后土令大酺五日

泰始三年令天下大酺五日

昭帝元鳳四年令天下大酺五日

宣帝五鳳三年大酺五日

並本紀

賜姓氏

更姓氏附

高祖封項伯等四人為列侯賜姓劉氏

項籍傳

婁敬勸高祖都關中上曰婁者劉也賜姓劉氏

本傳

孝文時吏居官者或長子孫以官為氏倉氏庫氏則倉

庫吏之後也

土嘉傳

武帝之初七十年間國家亡事為吏者長子孫居官者

以為姓號

食貨志

金日磾本匈奴休屠王太子也以休屠作金人祭天故

因賜姓金氏云

本贊

更姓氏

漢興濟北王田安失國齊人謂之王家因以為氏

元后傳

夏侯嬰曾孫頗尚主主隨外家姓號孫公主故滕公子

孫更為孫氏

夏侯嬰傳

周陽由其父趙兼以淮南王舅侯周陽故因氏焉

酷吏傳

馬宮本姓馬矢宮仕學稱為氏本傳

京房本姓李推律自以為京氏本傳

車千秋本姓田氏為相年老上優之得乘小車入宮殿

中故因號車丞相本傳

明德馬皇后惡其先人有反易姓莽武紀

灌夫父張蓋為灌嬰舍人得幸薦之至二千石故蒙灌

氏姓為灌孟灌夫傳

衛青父鄭季與衛媼通生青青有同母兄衛長君及姊

子夫故青冒姓衛氏衛青傳

周公後衰魯節侯公子寬薨侯相如嗣更姓公孫氏後

更為姬氏恩澤侯表

禁踰侈

漢初定與民無禁敘傳師古曰國家不設車旂衣服之禁

高祖八年爵非公乘以上毋得冠劉氏冠賈人毋得衣

錦繡綺縠絺紵蜀捺兵乘騎馬本紀

高祖令賈人不得衣絲乘車重稅租以困辱之孝高后

時復施商賈之律然市井子孫亦不得為吏食貨志

文帝時賈誼上疏曰今民賣僮者為之繡衣絲履徧諸

緣內之閑中是古天子后服所以廟而不宴者也而庶人得以衣婢妾白縠之表薄純之裏縹以偏諸美者黼黻是古天子之服今富人大賈嘉會召客者以被墻庶人屋壁得爲帝服倡優下賤得爲后飾且帝之身自衣皂綿而富民墻屋被文繡天子之后以緣其領庶人妻妾緣其履此臣所謂舛也豈如今定經制使君君臣臣上下有差而後有所持循矣本傳

武帝天漢元年秋閉城門大搜

本紀臣瓚曰漢帝年記六月禁踰侈七月閉城

門大搜索踰侈者師古曰踰法度而奢侈者也

二年秋大搜

本紀

元帝時貢禹奏言高祖孝文孝景皇帝循古節儉後世爭爲奢侈轉轉益甚臣下亦相放效衣服履絳刀劍亂于主上主上時臨朝入廟衆人不能別異今大夫僭諸侯諸侯僭天子天子過天道其日久矣矯復古化在于陛下天子納善其忠乃下詔令太僕減食穀馬水衡減食肉獸省宜春下苑以與貧民又罷角抵諸戲及齊三服官本傳



成帝永始四年詔曰聖王明禮制以序尊卑異車服以章有德方今世俗奢侈罔極靡有厭足公卿列侯親屬

近臣四方所則或乃奢侈逸豫務廣第宅治園池多蓄奴婢被服綺縠設鍾鼓備女樂車服嫁娶墓埋過制吏民慕效寢以成俗其申赦有司以漸禁之青綠民所常服且勿止列侯近臣各自省改司隸校尉察不變者紀本哀帝卽位下詔曰制節謹度以防奢淫為政所先百王不易之道也諸侯王列侯公主吏二千石及豪富民多蓄奴婢田宅亡限與民爭利百姓失職重困不足其議限列有司條奏諸王列侯得名田國中列侯在長安及公主民田縣道關內侯吏民名田皆無得過三十頃諸

侯王奴婢二百人列侯公主百人關內侯吏民三十人六十以上十歲以下不在數中賈人皆不得名田為吏犯者以律論諸名田蓄奴婢過品皆請入縣官紀本

平帝元始三年王莽奏車服制度吏民養生送終嫁娶

奴婢田宅器械之品紀本



天保甲午

